



Broj: 07-11-495/25
Vogošća, 07.05.2025. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14, 59/22 i 50/24), i čl. 71. i 125. Statuta Općine Vogošća ("Službene novine Kantona Sarajevo", broj: 27/14, 14/15, 9/20 i 23/24), Općinski načelnik dana 07.05.2025. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU, SADNJU, POSTAVLJANJE I
ODRŽAVANJE UKRASNIH ŽARDINJERA SA ODRASLIM SEZONSKIM PUZAJUĆIM
CVIJEĆEM NA MOSTOVE U CENTRALNOM DIJELU VOGOŠĆE**

Član 1.

Ponuda ponuđača "Green servis" d.o.o. Sarajevo, ulica Nova željeznička stanica broj 35/I Vogošća, odabrana je za nabavku, sadnju, postavljanje i održavanje ukrasnih žardinjera sa odraslim sezonskim puzajućim cvijećem na mostove u centralnom dijelu Vogošće, kao jedina pristigla ponuda, sa ponuđenom ukupnom cijenom nabavke u iznosu od 19.000,00 KM bez uračunatog PDV-a, odnosno 22.230,00 KM sa uračunatim PDV-om.

Član 2.

Odluka o izboru najpovoljnijeg ponuđača će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 11.04.2025. godine donio Odluku o pokretanju Otvorenog postupka nabavke, sadnje, postavljanja i održavanja ukrasnih žardinjera sa odraslim sezonskim puzajućim cvijećem na mostove u centralnom dijelu Vogošće, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 15.04.2025. godine pod brojem: 1353-1-1-46-3-64/25.

Sažetak Obavještenja o nabavci objavljen je u "Službenom glasniku BiH" broj: 23/25 od 18.04.2025. godine.

Tendersku dokumentaciju sa Portala javnih nabavki BiH je preuzelo 13 (trinaest) ponuđača. Krajnji rok za dostavu ponuda bio je 06.05.2025. godine do 10:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 06.05.2025. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Green servis" d.o.o. Sarajevo, broj int. knjige 107/25, sa ponuđenom ukupnom cijenom nabavke u iznosu od 19.000,00 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-495/25 iz aprila 2025.

godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Detaljnim postupkom pregleda i ocjene ponude, Komisija za javne nabavke je utvrdila da ponuda ponuđača "Green servis" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela ponude ponuđača "Green servis" d.o.o. Sarajevo, te je izvršena računska provjera dostavljene ponude i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).


Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14, 59/22 i 50/24), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "Green servis" d.o.o. Sarajevo, za nabavku, sadnju, postavljanje i održavanje ukrasnih žardinjera sa odraslim sezonskim puzajućim cvijećem na mostove u centralnom dijelu Vogošće, kao jedine pristigle ponude, sa ponuđenom ukupnom cijenom nabavke u iznosu od 19.000,00 KM bez uračunatog PDV-a, odnosno 22.230,00 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura



Kontrolisala: Dejna Sarač





Dostavljeno:

1. "Green servis" d.o.o. Sarajevo
2. Nadležnoj Službi
3. U dosije
4. a/a

info@greenservis.ba